

Oleh Nor Shafatin Sulaiman

Teknologi moden bawa kemudaran

Hari ini kita kes buang bayi kian membimbangkan masyarakat dan sering menjadi paparan dalam media massa.

Menurut ahli Dewan Negara, Senator Datuk Dr Johari Mat, lebih 200,000 kes pembuangan bayi dilaporkan berlaku di seluruh negara, sekali gus memerlukan tindakan wajar dan segera bagi menangani masalah yang kian serius ini.

Dalam hal membabitkan nyawa tidak berdosa ini, siapakah yang harus dipersalahkan?

Dalam menuju kemodenan negara, mungkin kita tidak menyedari teknologi hari ini sebenarnya lebih banyak mendatangkan kemudaran yang menjejaskan nama negara apabila

disalahgunakan oleh remaja.

Sebagai contoh, aplikasi dalam telefon pintar kini semakin hari semakin canggih dan mudah dimuat turun untuk dijadikan aplikasi tetap dalam telefon bimbit masing-masing.

Secara tidak langsung, gejala sosial menerusi alam maya menjadi lebih meluas dan segalanya bermula di hujung jari.

Statistik yang dikeluarkan pada Februari 2015 juga menunjukkan Malaysia berada dalam ranking ketiga dunia kekerapan melayari Internet.

Ini membuktikan rakyat Malaysia sering mengakses masuk aplikasi

Internet yang dimuat turun seperti WhatsApp, Facebook, YouTube dan lain-lain dalam sehari.

Dengan aplikasi ini, perhubungan remaja menjadi semakin meluas. Mereka menjadi lebih mudah berhubung bersama pasangan, bertukar-tukar gambar atau yang lebih membimbangkan menghantar dan menerima pautan tidak sepatutnya hingga terjerumus gejala sosial termasuk mengandung di luar nikah hingga mewujudkan kes penganiayaan dan membuang bayi.

Bagi membantu kerajaan dalam membasmi gejala ini, peranan setiap golongan dewasa amat

penting. Ibu bapa watak utama untuk mendekati anak di rumah juga ketika bersama rakan di luar rumah.

Sentiasa ambil peduli dengan siapa anak bergaul, selain tidak mengabaikan pendidikan agama juga mengambil berat mengenal penggunaan alat dan aplikasi masa kini.

Persekitaran tempat belajar juga perlu dipantau oleh guru bagi mengelakkan generasi ini terabit aktiviti tidak bermoral ketika bersama rakan.

● **Penulis siswa** *Fakulti Pengajian Bahasa Utama, Universiti Sains Islam Malaysia.*